



2 Julai 2013
2 July 2013
P.U. (B) 280

WARTA KERAJAAN PERSEKUTUAN

FEDERAL GOVERNMENT GAZETTE

NOTIS PEMULAAAN PENYIASATAN DUTI ANTI-LAMBAKAN MENGENAI *CELLULOSE FIBRE REINFORCED CEMENT FLAT* DAN *PATTERN SHEETS* YANG BERASAL ATAU DIEKSPORT DARI THAILAND

NOTICE OF INITIATION OF AN ANTI-DUMPING DUTY INVESTIGATION WITH REGARD TO CELLULOSE FIBRE REINFORCED CEMENT FLAT AND PATTERN SHEETS ORIGINATING OR EXPORTED FROM THE KINGDOM OF THAILAND



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA DUTI TIMBAL BALAS DAN ANTI-LAMBAKAN 1993

NOTIS PEMULAAN PENYIASATAN DUTI ANTI-LAMBAKAN MENGENAI *CELLULOSE FIBRE REINFORCED CEMENT FLAT* DAN *PATTERN SHEETS* YANG BERASAL ATAU DIEKSPORT DARI THAILAND

(AD 02/13)

MENURUT subseksyen 20(8) Akta Duti Timbal Balas dan Anti Lambakan 1993 [*Akta 504*] dan peraturan 8 Peraturan-Peraturan Duti Timbal Balas dan Anti-Lambakan 1994 [*P.U. (A) 233/1994*], Kerajaan Malaysia telah menerima suatu petisyen yang mengatakan bahawa import *cellulose fibre reinforced cement flat* dan *pattern sheets* yang berasal dari Thailand sedang dilambakkan di Malaysia dan menyebabkan kemudaratan material kepada industri dalam negeri di Malaysia yang mengeluarkan keluaran serupa ("industri Malaysia").

Petisyen

1. Petisyen itu telah dibuat oleh—

Hume Cemboard Industries Sdn. Bhd.
Level 9, Wisma Hong Leong
18 Jalan Tun Perak
50450 Kuala Lumpur,

pengeluar dalam negeri *cellulose fibre reinforced cement flat* dan *pattern sheets* bagi pihak industri Malaysia.

Keluaran

2. Dagangan subjek yang dikatakan sedang dilambakkan ialah *cellulose fibre reinforced cement flat* dan *pattern sheets* yang dikelaskan di bawah Nombor Kod Sistem yang Diharmonikan (Kod H.S.) 6811.82.100 dan 6811.82.900 dan Tatanama Tarif Berharmonis ASEAN (AHTN) 6811.82.00.10 dan 6811.82.00.90. Nombor Kod H. S. ini diberikan hanya untuk makluman tetapi tidak mempunyai kesan mengikat terhadap pengelasan dagangan subjek.

Pengataan lambakan

3. Pengataan lambakan adalah berdasarkan perbandingan di antara nilai normal dagangan subjek di Thailand dengan harga eksport yang bersamaan dengannya apabila dieksportkan ke Malaysia. Berdasarkan perbandingan ini, margin lambakan sebagaimana yang dikatakan oleh pempetisyen adalah ketara bagi pengeluar/pengeksport tersebut.

Pengataan kemudaran

4. Pempetisyen telah menyatakan dan telah memberikan keterangan bahawa import dagangan subjek dari negara yang dituduh telah meningkat dari segi jumlah mutlak kuantiti. Adalah dikatakan selanjutnya bahawa industri Malaysia telah mengalami kemudaran melalui kesan lambakan, antara lain, pemotongan harga, penyekatan harga, kemelesetan harga, tahap produktiviti dan kapasiti yang rendah, kehilangan keuntungan, pengurangan dalam guna tenaga dan pulangan pelaburan yang negatif.

Tatacara

5. Setelah menentukan bahawa keterangan yang mencukupi wujud untuk mewajarkan suatu penyiasatan duti anti-lambakan dan bahawa penyiasatan sedemikian adalah demi kepentingan awam, Kerajaan memulakan penyiasatan menurut subperaturan 7(1) Peraturan-Peraturan Duti Timbal Balas dan Anti-Lambakan 1994.

5.1 Senarai soalan

Bagi mendapatkan maklumat yang disifatkan perlu bagi penyiasatannya, Kerajaan akan menghantar senarai soalan kepada industri Malaysia dan mana-mana persatuan pengeluar di Malaysia, kepada pengeluar/pengeksport Thailand, kepada pengimport, kepada mana-mana persatuan pengimport yang dinamakan dalam petisyen, dan kepada Kerajaan Thailand.

Dalam apa-apa keadaan, semua pihak berkepentingan yang tidak dihubungi oleh Kementerian Perdagangan Antarabangsa dan Industri (MITI) diminta untuk menghubungi MITI melalui faksimile bagi mengetahui sama ada mereka disenaraikan dalam petisyen. Jika perlu, pihak berkepentingan itu boleh memohon satu salinan senarai soalan dengan memberitahu sifat aktiviti perniagaan mereka yang berkaitan dengan penyiasatan ini.

5.2 *Pengumpulan maklumat*

Semua pihak berkepentingan diminta memberikan pandangan mereka secara bertulis, khususnya dengan menjawab senarai soalan yang dialamatkan kepada mereka dan dengan mengemukakan keterangan menyokong.

Had masa

6. 6.1 *Pihak memohon senarai soalan*

Semua pihak berkepentingan yang memohon senarai soalan, hendaklah berbuat demikian, tidak lewat daripada 15 hari selepas penyiaran notis ini dalam *Warta Kerajaan Malaysia*.

6.2 *Pihak menjawab senarai soalan*

Semua pihak berkepentingan mestilah mengemukakan pandangan mereka secara bertulis dan mengemukakan jawapan senarai soalan dalam masa 30 hari dari tarikh penyiaran notis ini jika pandangan dan maklumat itu hendak diambil kira semasa penyiasatan, kecuali jika dinyatakan sebaliknya.

Maklumat bertulis, jawapan senarai soalan dan surat-menyurat

7. Semua maklumat dan permohonan mestilah dibuat secara bertulis dan mestilah dinyatakan nama, alamat, alamat e-mel, nombor telefon dan faksimile pihak berkepentingan itu kepada—

Pengarah

Seksyen Amalan Perdagangan

Kementerian Perdagangan Antarabangsa dan Industri (MITI)

Tingkat 14, Blok 8, Kompleks Pejabat Kerajaan

Jalan Duta

50622 Kuala Lumpur

MALAYSIA

Nombor Telefon: (603) 6200 0111/115/123

Nombor Faksimile: (603) 6203 1745